

Awas agen Yahudi

ALOR SETAR, Sabtu — Timbalan Perdana Menteri, Datuk Seri Dr. Mahathir Mohamad, mengingatkan umat Islam, khususnya orang Melayu bahaya yang dibawa oleh agen-agen Yahudi yang dihantar ke seluruh dunia untuk melemahkan umat Islam.

Berucap merasmikan Konvensyen UMNO Negeri Kedah, di Stadium Dato Syed Omar, beliau berkata, "golongan-golongan tertentu berusaha memecahbelahkan perpaduan umat Islam di negara ini tidak jauh bedanya dengan agen-agen Yahudi itu."

Beliau menarik perhatian 1,000 peserta konvensyen itu, baru-baru ini seorang dari Negeri Cik Siti Wan Kembang (Kelantan) yang membawa hujjah amat dahsyat sekali dengan menghina Nabi Mohamad s.a.w. dan mendewa-dewakan Abu Lahab.

Menurut Timbalan Perdana Menteri, dalam ucapannya orang berkenaan berkata, Abu Lahablah orang yang bertanggungjawab menyatupadukan umat Arab dan sebaliknya kedatangan Nabi Muhammad memecahbelahkan mereka.

"Kita semua tahu Nabi tidak memecahbelahkan orang-orang Arab, Baginda cuma membawa ajaran Islam, meskipun ada di kalangan keluarga dan sahabat Baginda tidak memeluk Islam, Baginda tidak pun menyindir mereka," katanya.

"Adalah sedih dan mendukacitakan orang yang mendakwa dirinya berjuang untuk agama Islam sanggup menggunakan perkataan-perkataan yang menghina junjungan besar kita,"

Oleh ZAINAL BUJAL

ujarnya.

Datuk Seri Dr. Mahathir yang juga Timbalan Presiden UMNO berkata, beliau kosal ajaran sesat seperti itu diterima juga setengah orang kampung.

Katanya, orang yang menjadi agen Yahudi sentiasa berkerja keras mencapai cita-cita. Abu Lahab memecahbelahkan perpaduan umat Islam di negara ini dan juga di merata dunia.

Beliau memberi amaran sekiranya perkara-perkara seperti itu tidak diberi perhatian yang serius besar kemungkinan Kerajaan akan kehilangan sokongan rakyat yang tersalah faham.

Datuk Seri Dr. Mahathir menyeru ahli-ahli UMNO memberikan perhatian yang lebih khusus terhadap perkembangan dan masalah politik luar bandar bagi menangkis tentangan hebat parti politik yang suka memainkan sentimen agama.

Tegasnya, ini memandangkan di Kedah pelajaran agama disampaikan oleh sesetapa saja yang boleh mendirikan sekolah tanpa membuktikan kebolehannya sebagai guru.

Menyentuh tentang peruntukan \$2,300 juta bagi Negeri Kedah dalam Rancangan Malaysia Keempat, Timbalan Perdana Menteri berkata, wang sebanyak itu mestilah digunakan sebaik-baiknya agar mendatangkan kesan terhadap penghidupan rakyat di Kedah.

Bahan asal dari Arkib
Negara Malaysia